



საჯარო სამართლის იურიდიული პირი  
**ილიას სახელმწიფო უნივერსიტეტი**



**ბრძანება**

ქ. თბილისი

N 1676-02  
12/07/2023

**სსიპ “ილიას სახელმწიფო უნივერსიტეტის” საკუთრებაში არსებული ქონების - უნივერსიტეტის ბალანსზე რიცხული 1 (ერთი) ერთეული ავტომობილის ელექტრონული აუქციონით გაყიდვასთან დაკავშირებით, აუქციონის განმეორებით გამოცხადების, ვადებისა და პირობების დადგენის შესახებ**

„უმაღლესი განათლების შესახებ“ საქართველოს კანონის 23-ე მუხლის 1-ლი პუნქტის, 24-ე მუხლის პირველი პუნქტის „ზ“ ქვეპუნქტის, 85-ე მუხლის პირველი პრიმა პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის N134/ნ ბრძანებით დამტკიცებული „საჯარო სამართლის იურიდიული პირის - ილიას სახელმწიფო უნივერსიტეტის წესდების“ მე-19 მუხლის და მე-20 მუხლის პირველი პუნქტის „თ“ და „ი“ ქვეპუნქტების, 48-ე მუხლის მეხუთე პრიმა პუნქტის, ილიას სახელმწიფო უნივერსიტეტის წარმომადგენლობითი საბჭოს ქონების გასხვისებასთან დაკავშირებით 2021 წლის 28 აპრილის N1 სხდომის გადაწყვეტილების, აუდიტორული კომპანია შპს „რიალ აუდიტის“ 2023 წლის 19 მაისის „სატრანპორტო საშუალებების შეფასების შესახებ“ N19/05/23 აუდიტორული დასკვნის, საქართველოს განათლებისა და მეცნიერების სამინისტროს 2021 წლის 14 სექტემბრის MES 6 21 0000917038 თანხმობის წერილის, მატერიალური რესურსების სამსახურის უფროსის, გიორგი მამუჩაშვილის 2023 წლის 30 მაისის N9568-35 და 2023 წლის 11 ივლისის N12268-35 მოხსენებითი ბარათების საფუძველზე,

**ვბრძანებ**

1. გამოცხადდეს განმეორებითი ელექტრონული აუქციონი ილიას სახელმწიფო უნივერსიტეტის საკუთრებაში არსებული ქონების - უნივერსიტეტის ბალანსზე რიცხული 1 (ერთი) ერთეული ავტომობილის: გაზ 53-12-01 (სახ. ნომერი MVW-655) აუქციონის წესით გაყიდვასთან დაკავშირებით - 2023 წლის 18 ივლისს და ინფორმაცია განთავსდეს ვებ-გვერდზე [www.eauction.ge](http://www.eauction.ge)-ზე.
2. დადგინდეს აუქციონის შემდეგი პირობები:

ა) ავტომობილის - გაზ 53-12-01 (სახ. ნომერი MVW-655) თავდაპირველ ნასყიდობის თანხად განისაზღვროს:  
– 2200 (ორი ათას ორასი) ლარი;

- ბ) აუქციონის მიმდინარეობის ვადად განისაზღვროს 14 კალენდარული დღე და დასრულდეს 2023 წლის 1 აგვისტოს;
- გ) უპირობო და გამოუხმობი საბანკო გარანტიის/ბეს თანხის ოდენობა დადგინდეს თავდაპირველი ნასყიდობის თანხის - 20 (ოცი) პროცენტის ოდენობით: გაზ 53-12-01 (სახ. ნომერი MVW-655) – 2200 (ორი ათას ორასი) ლარის 20% - 440 (ოთხას ორმოცი) ლარი;
- დ) დადგინდეს ბიჯი - თავდაპირველი ნასყიდობის თანხის 10 (ათი) პროცენტის ოდენობით: გაზ 53-12-01 (სახ. ნომერი MVW-655) – 2200 (ორი ათას ორასი) ლარის 10% - 220 (ორას ოცი) ლარი;
- ე) აუქციონში გამარჯვებულთან გაფორმდეს ნასყიდობის ხელშეკრულება აუქციონზე გამარჯვებულის გამოვლენიდან 7 (შვიდი) კალენდარული დღის ვადაში;
- ვ) მყიდველმა ნასყიდობის თანხის გადახდა უნდა უზრუნველყოს აუქციონის დასრულებიდან 15 (თხუთმეტი) კალენდარული დღის ვადაში - არაუგვიანეს 2023 წლის 16 აგვისტოს;
- ზ)საკუთრების უფლება მყიდველს წარმოეშობა ნასყიდობის თანხის სრულად გადახდის შემდეგ;
- თ) მყიდველმა საკუთარი ფინანსური სახრებით უნდა უზრუნველყოს ავტომობილის გადაფორმება შესაბამის ორგანოებში;
- ი) საბანკო გარანტია უნდა აიტვირთოს [www.eauction.ge](http://www.eauction.ge)-ზე ან წარმოდგენილ იქნას ილიას სახელმწიფო უნივერსიტეტის F კორპუსში, ოთახი F212 (ჩოლოყაშვილის გამზ. 3/5);
- კ) აუქციონში გამარჯვებული სუბიექტის მიერ ხელშეკრულების გაფორმებაზე უარის, ნასყიდობის სრული საფასურის ხელშეკრულებით დადგენილ ვადაში გადაუხდელობის, აუქციონში მონაწილეობის წესის დარღვევისა და კანონმდებლობით გათვალისწინებულ სხვა შემთხვევებში, უნივერსიტეტი გადახდით ბეს/უპირობო და გამოუხმობ საბანკო გარანტიის თანხას უკან არ უბრუნებს აუქციონში გამარჯვებულ პირს;
- ლ) უპირობო და გამოუხმობი საბანკო გარანტიის/ბეს თანხის მოქმედების ვადა უნდა აღემატებოდეს ნასყიდობის თანხის გადახდის ვადას არანაკლებ 30 დღით. უპირობო და გამოუხმობი საბანკო გარანტიის/ბეს თანხის მოქმედების ვადად დადგინდეს 2023 წლის 15 სექტემბერი.
- მ) აუქციონის დასრულების შემდეგ ნასყიდობის თანხის გადახდა მოხდეს უნივერსიტეტის შემდეგ ანგარიშზე და მითითებით:

მიმღების დასახელება\_ხაზინის ერთიანი ანგარიში - სსიპ „ილიას სახელმწიფო უნივერსიტეტი“;

ს/კ 204861970

მიმღების ანგარიში/სახაზინო კოდი\_ 708997635

მიმღების ბანკი\_სახელმწიფო ხაზინა

ბანკის კოდი\_TRESGE22

გადახდის დანიშნულება\_შემოსულობა სსიპ/ააიპ-ის საკუთრებაში არსებული სხვა ძირითადი აქტივების გაყიდვიდან, ხელშეკრულების ნომერი (მიეთითოს ნასყიდობის ხელშეკრულების ნომერი და თარიღი);

ნ) საჯარო სამართლის იურიდიული პირის - სახელმწიფო ქონების ეროვნული სააგენტოს მიერ გასაწევი მომსახურების საფასურის გადახდა განხორციელდეს, საქართველოს მთავრობის 2020 წლის 7 სექტემბრის №561 დადგენილების N2 დანართის მიხედვით (ავტომობილზე - 50 (ორმოცდაათი) ლარის ოდენობით);

ო) თუ ელექტრონული აუქციონი არ შედგა იმ მიზეზით, რომ აუქციონში რეგისტრირებულმა პირებმა, რომლებმაც გადაიხადეს ბე ან/და წარმოადგინეს უპირობო და გამოუხმობი საბანკო გარანტია - არ მიიღეს მონაწილეობა სააუქციონო ვაჭრობაში, წარდგენილი უპირობო და გამოუხმობი საბანკო გარანტიის/ბეს თანხა სრულად ირიცხება უნივერსიტეტის ანგარიშზე.

3. საზოგადოებასთან ურთიერთობის სამსახურს დაევალოს ამ ბრძანებით გათვალისწინებული ინფორმაციის უნივერსიტეტის ვებ-გვერდზე გამოქვეყნება.
4. უნივერსიტეტის მატერიალური რესურსების სამსახურის სამეურნეო-ადმინისტრირების დეპარტამენტს დაევალოს ინფორმაციის [www.eauction.ge](http://www.eauction.ge)-ზე ატვირთვა, საკონტაქტო ტელეფონი: 577 55 33 21.
5. აღრიცხვა-ანგარიშგების სამსახურს დაევალოს გადაიხადოს საჯარო სამართლის იურიდიული პირის - სახელმწიფო ქონების ეროვნული სააგენტოს მიერ გასაწევი მომსახურების საფასური ამ ბრძანების მეორე პუნქტის „ნ“ ქვეპუნქტის მიხედვით.
6. კონტროლი ბრძანების შესრულებაზე დაევალოს უნივერსიტეტის მატერიალური სამსახურის უფროსს, გიორგი მამუჩაშვილს.
7. უნივერსიტეტის კანცელარიას დაევალოს მიაწოდოს ამ ბრძანების ასლები რექტორს, ადმინისტრაციის ხელმძღვანელს, მატერიალური რესურსების სამსახურს, ბიუჯეტირებისა და ფინანსური ანალიზის სამსახურს, აღრიცხვა-ანგარიშგების სამსახურს, იურიდიულ სამსახურს, საზოგადოებასთან ურთიერთობის სამსახურს, შესყიდვების სამსახურს, უნივერსიტეტის შიდა აუდიტს.

ქეთევან ლაკირბაია



ადმინისტრაციის ხელმძღვანელი